



**GIG**  
CYMRU  
**NHS**  
WALES

Iechyd Cyhoeddus  
Cymru  
Public Health  
Wales

**Cofnodion heb eu cadarnhau o Gyfarfod Cyhoeddus Eithriadol y  
Bwrdd ar 24 Mehefin 2021  
(a gynhaliwyd yn electronig drwy Microsoft Teams a'i ffrydio'n  
fyw ar y we)**

| <b>Yn bresennol:</b>       |        |                                                                                            |
|----------------------------|--------|--------------------------------------------------------------------------------------------|
| Jan Williams               | (JW)   | Cadeirydd                                                                                  |
| Tracey Cooper              | (TC)   | Prif Weithredwr                                                                            |
| Rhiannon Beaumont-Wood     | (RB-W) | Cyfarwyddwr Gweithredol Ansawdd, Nyrsio a Gweithwyr Proffesiynol Perthynol i Iechyd        |
| Diane Crone                | (DC)   | Cyfarwyddwr Anweithredol (Prifysgol)                                                       |
| Kate Eden                  | (KE)   | Cyfarwyddwr Anweithredol, Is-gadeirydd a Chadeirydd y Pwyllgor Ansawdd, Diogelwch a Gwella |
| Dyfed Edwards              | (DE)   | Cyfarwyddwr Anweithredol a Chadeirydd y Pwyllgor Archwilio a Llywodraethu Corfforaethol    |
| Huw George                 | (HG)   | Dirprwy Brif Weithredwr a Chyfarwyddwr Gweithredol Gweithrediadau a Chyllid                |
| Sian Griffiths             | (SG)   | Cyfarwyddwr Anweithredol (Iechyd y Cyhoedd)                                                |
| Meng Khaw                  | (MK)   | Cyfarwyddwr Cenedlaethol Gwasanaethau Diogelu Iechyd a Sgrinio, a Chyfarwyddwr Meddygol    |
| Judi Rhys                  | (JR)   | Cyfarwyddwr Anweithredol (Trydydd Sector)                                                  |
| <b>Hefyd yn Bresennol:</b> |        |                                                                                            |
| Sally Attwood              | (SA)   | Dirprwy Gyfarwyddwr Strategaeth a Chynllunio                                               |
| Aled Bishop                | (AB)   | Cymorth Cyfathrebu                                                                         |
| Liz Blayney                | (LB)   | Dirprwy Ysgrifennydd y Bwrdd a Rheolwr Llywodraethu'r Bwrdd                                |
| John Boulton               | (JB)   | Cyfarwyddwr Gwella Ansawdd a Diogelwch Cleifion y GIG/Cyfarwyddwr Gwelliant Cymru          |

|                        |       |                                                                                                                                 |
|------------------------|-------|---------------------------------------------------------------------------------------------------------------------------------|
| Helen Bushell          | (HB)  | Ysgrifennydd y Bwrdd a Phennaeth Uned Fusnes y Bwrdd                                                                            |
| Martin O'Brien         | (MOB) | Rheolwr Gweithredol                                                                                                             |
| Neil Lewis             | (NL)  | Cyfarwyddwr Datblygu Sefydliadol a Phobl                                                                                        |
| Paula Walters          | (PB)  | Pennaeth y Swyddfa Rheoli Rhaglenni                                                                                             |
| Stephanie Wilkins      | (SW)  | Cynrychiolydd yr Undebau Llafur                                                                                                 |
| <b>Ymddiheuriadau:</b> |       |                                                                                                                                 |
| Mark Bellis            | (MB)  | Cyfarwyddwr Polisi ac Iechyd Rhyngwladol, Canolfan Gydweithredol Sefydliad Iechyd y Byd ar Fuddsoddi ar gyfer Iechyd a Llesiant |
| Mohammed Mehmet        | (MM)  | Cyfarwyddwr Anweithredol (Awdurdod Lleol) a Chadeirydd y Pwyllgor Datblygu Sefydliadol a Phobl                                  |

*Dechreuodd y cyfarfod am 13.00*

|                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                             |
|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>PHW 263/2021 Croeso ac Ymddiheuriadau</b>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                |
| <p>Croesawodd JW bawb i'r cyfarfod, gan nodi ei fod yn cael ei ffyrddio'n fyw ar y wefan; estynnodd groeso arbennig i'r rhai a oedd yn arsylwi ar-lein. Croesawodd JW SA i'r cyfarfod hefyd a'i llongyfarch ar ei phenodiad diweddar fel Cyfarwyddwr Pontio Iechyd a Llesiant; bydd SA yn ymuno â'r tîm Gweithredol ar 1 Gorffennaf 2021.</p> <p>Crynhodd JW yr eitemau ar yr agenda, gan gadarnhau mai cyfarfod byr, eithriadol oedd hwn i ystyried y fersiwn wedi'i ddiweddarau o'r Cynllun Gweithredol ar gyfer 2021/22. Roedd y Bwrdd wedi ystyried Cynllun drafft yn ei gyfarfod ym mis Mawrth 2021.</p> <p>Crynhodd JW rôl y Bwrdd fel Corff Llywodraethu'r sefydliad, gyda chyfrifoldebau penodol am: ddatblygu strategaeth a rhoi cyfeiriad iddi; adeiladu a chynnal partneriaethau strategol; pennu archwaeth risg a goruchwyllo risgiau strategol; craffu ar berfformiad yn ystod y flwyddyn yn erbyn cynlluniau a phennu naws a diwylliant y sefydliad. Roedd y Bwrdd wedi ymrwymo i sicrhau y gallai pob aelod o staff ddod i'r gwaith a bod ar ei orau, heb ofni anfantais na gwahaniaethu o unrhyw fath.</p> <p>Dywedodd JW fod y Bwrdd yn cynnal ei gyfarfodydd, yn unol â Chod Ymddygiad ffurfiol y Bwrdd, a cheir rhagor o fanylion ar y wefan: <a href="https://icc.gig.cymru/amdanom-ni/y-bwrdd-ar-tim-gweithredol/y-bwrdd-ar-tim-gweithredol/board-etiquette/">https://icc.gig.cymru/amdanom-ni/y-bwrdd-ar-tim-gweithredol/y-bwrdd-ar-tim-gweithredol/board-etiquette/</a></p> <p>Roedd y Bwrdd yn cynnal ei gyfarfodydd ar y sail bod aelodau wedi darllen yr holl bapurau ymlaen llaw, a thrwy hynny wneud y gorau o'r amser sydd ar gael i drafod.</p> <p><b>Nododd</b> y Bwrdd yr ymddiheuriadau am absenoldeb.</p> |

**PHW 264/2021 Datgan Buddiannau**

Ni wnaeth aelodau'r bwrdd ddatgan unrhyw fuddiannau yn ychwanegol at y rhai sydd eisoes wedi'u cofnodi ar y Gofrestr o Ddatganiadau o Fuddiannau.

**PHW 265/2021 Eitemau i'w Cymeradwyo****PHW 265.1/2021 Y Cynllun Gweithredol**

Cyflwynodd HG y papur, gan grynhoi'r gwaith a wnaed i ddiwygio Cynllun Gweithredol drafft 2021/22 (y Cynllun) a gymeradwywyd mewn egwyddor yng nghyfarfod y Bwrdd ym mis Mawrth 2021. Roedd papurau heddiw yn cyflwyno'r diwygiadau, ynghyd â'r cynllun ariannol ategol, y fframwaith rheoli cyllidebau a'r disgrifyddion risg strategol diwygiedig.

Atgoffodd HG y Bwrdd o'r sylwadau a wnaed ynglŷn â chyflawni'r Cynllun yn ei ffurf flaenorol; roedd y tîm Gweithredol a'r tîm ehangach wedi adolygu'r holl gerrig milltir a llinellau amser yn unol â'r adnoddau y gwyddys eu bod ar gael ac adleoli staff yn ôl i'w rolau gwreiddiol. Cyflwynodd PW ddau sleid yn nodi'r cerrig milltir a'r llinellau amser a gafodd eu newid neu eu dileu, gan nodi bod rhai llinellau amser wedi'u hystyngiadau a bod 1,721 diwrnod wedi'u hychwanegu at amserlenni'r Cynllun. Gwnaeth HG sylwadau ar y diwygiadau i'r cynllun ariannol a'r fframwaith rheoli cyllidebau, i adlewyrchu gofynion cyfalaf a refeniw'r cynllun diwygiedig, gan gynnwys cais am gyllid ychwanegol gwerth £1.1m ar gyfer ailddechrau rhaglenni sgrinio yn llawn. Cadarnhaodd HG fod y diwygiadau hefyd yn ystyried adborth gan Lywodraeth Cymru a'r Uned Cyflenwi Cyllid.

Rhoddodd RB-W drosolwg o'r pum disgrifydd risg strategol arfaethedig, a gofynnwyd i'r Bwrdd gymeradwyo'r rhain; roedd nifer o aelodau'r Bwrdd wedi bod yn rhan o'r gwaith o ddrafftio'r disgrifyddion ac, yn amodol ar gymeradwyaeth y Bwrdd, bydd y gwaith o ychwanegu manylion at bob un o'r disgrifyddion yn mynd rhagddo.

Cadarnhaodd HG fod Llywodraeth Cymru wedi cael copi o'r gyllideb a'r Cynllun drafft diwygiedig, yn dilyn cais i holl sefydliadau'r GIG bythefnos ynghynt.

Diolchodd JW i HG, ei dîm a phob aelod o staff fu'n rhan o'r gwaith sylweddol i ddatblygu'r Cynllun terfynol, gan nodi'r diwygiadau a wnaed yn dilyn sylwadau'r Bwrdd ar y drafft cynharach.

Croesawodd KE y Cynllun diwygiedig, gan gynnwys y newidiadau i'r cerrig milltir; nododd fod y Pwyllgor Ansawdd, Diogelwch a Gwella (QSIC) wedi cynnal sesiwn graffu fanwl ar ailgychwyn gwasanaethau sgrinio yn ei gyfarfod diwethaf ar 16 Mehefin, gan gymryd sicrwydd o'r drafodaeth.

Ychwanegodd DE ei gefnogaeth i'r Cynllun diwygiedig, gan ategu pa mor bwysig oedd hi i'r sefydliad beidio ag ailddechrau yn y man lle y gadawyd pethau cyn y pandemig; roedd yr amgylchedd ar ôl y pandemig yn cyflwyno heriau a chyfleodd newydd hefyd ac roedd Iechyd Cyhoeddus Cymru mewn

sefyllfa dda i adeiladu ar y nifer fawr o ddatblygiadau arloesol a gyflwynwyd yn ystod y flwyddyn ddiwethaf. Roedd y Bwrdd yn cefnogi'r dull hwn.

Penderfynodd y Bwrdd **gymeradwyo**:

- Cynllun Gweithredol 2021-22 i'w gyflwyno i Lywodraeth Cymru;
- Cynllun Ariannol a Fframwaith Rheoli Cyllidebau wedi'u diweddarau ar gyfer 2021/22, **gan nodi'r** broses adolygu a chraffu barhaus;
- Pum Disgrifydd Risg Strategol diwygiedig, **gan nodi'r** bwriad i ddarparu mwy o fanylion am y rheolaethau, y cynllun gweithredu a'r mesurau lliniaru mewn perthynas â phob disgrifydd.

**PHW 266/2021 Dyddiad Cyfarfod Ffurfiol Nesaf y Bwrdd**

Byddai'r cyfarfod nesaf yn cael ei gynnal ar 29 Gorffennaf 2021.

**PHW 267/2021 Diwedd y Cyfarfod Cyhoeddus**

Daeth y cyfarfod i ben am 13:25.